

T 5235.88/4482

6

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 22 1939

雪鴻堂文集卷二

通江李鍾我芝麓甫著

古體詩

秋雨過字水飲顧尉署

大塊已秋聲炎方氣猶熾揮汗走平梁驟雨夜中至
猛如兩軍交含枚趨萬騎曉來雲四塞新涼爽人意有頃
來阜衣折簡投篋筭慰我脫網羅交談欲下淚引我坐
東樓高筵已滌器世態任炎涼而我何軒輕東望長白
山巉峭多烽燧

天子作六師勦撫勞元帥願當于此時充以單車使諭
之朝闕下鋒鏑不復試但以咫尺書畫為長久利奇

哈佛大學漢和
圖書館珍藏印

材伏下僚逸足羈短轡每食亦無餘安能出論事豈無
激烈懷空存壯士志罷飲還惆悵山色空青翠林遠暮
雲橫雨微斜風刺狂波打東城岸圯心驚悸歸來賦短
篇聊以寄所思

夏日經內城呈家兄鹿嵐並御簡先生

翹首長安街依微五色露鬱紆遠山嵐參差上林樹青
翠映紅牆欣然欲琢句光景倏變幻投足易訛誤朱門
紛縱橫寶馬競馳驚鞫鷹向西郊載酒長堤路冠服奇
且鮮聯鑣如飛渡更有婀娜姿脂膚齒如瓠結伴坐安
車天然饒韻趣明眸而善睐一笑春為住富貴恣行樂
安能窮其故嗟予不量鑿正杓多愆忤淹滯京輦下幸

與名賢聚妙論窮天人冥搜挹墳素十日三五會燕集
寬禮數自今久沉淪而逢伯樂顧嗟彼鬧熱場匪我思
所寓祇合儔水石何知偶鴛鴦前日讀君詩翻若抱疾
痼世無黃石公誰當呼納屨偉此七尺軀其中寧無具
願言安義命勞逸皆天賦

紀夢

昨夜夢予女負其弟岌冠駸駸立田畔風急衣裳單覺
來四鼓餘輾轉發長嘆前月夢吾母持手涕漫漫晨起
問龜策云吉憂轉繁憶昔先君子艱虞實萬端文章與
德行煌煌若鳳鸞而以直見忤不能給壺箠命我親詩
書寒暑常更闌恩勤徒劬勞念之摧心肝今予惟老母

無物解承歡蕭蕭一葉身飄泊來桑乾行役竟何爲白
髮欲成團迢迢五千里悲哉行路難

別家蘭晚四兄

江水西北來南遠復向東下有萬頃波上有雙飛鴻鴻
飛雲際呼清響徹蒼穹良朋如手足彷彿絲與桐相資
忽相離妙曲與誰同低徊裁尺書反復情難通悲哉秋
色深陰雨來淒風濕雲埋大壑紅菊開簾櫳我行如浙
波君屋入空濛日令景物殊何以慰幽衷

離合詩

妙手理絲桐有女去文園粉膩未及施分離羞王孫既
成連理歡良人復不存視形哀犢鼻安敢傍諸昆荷鋤

理荒畦除草餘其根似有封禪書未許向人言粹白長
忍飢無米亦朝昏穢蕪駟馬橋嘉禾何日繁

曾貞女

九九澗中松色若青琅玕霜晨與雪夜修幹矗雲端上
有風雨鳴下有蛟龍蟠靈根與衆異後彫耐歲寒播城
曾氏女世系本綺紈婉婉嫺內則幽閑性所安締好在
名族六禮猶未完嘉客忽乘箕念此摧心肝升堂禮舅
姑甘心奉匱盤環瑱撤不施哀如孤棲鸞極知由世德
苦節良爲難令人歎懿矩直作徂徠看

送宋王賓之嘉祥

名鳥來幽谷脩然振羽翰長鳴謝其侶遼濶任盤桓又

如逝者波千里無停瀾赴壑先濛洄奔騰瀉急灘而我
實同志夙好契金蘭契濶動經時良晤信云難昨歲促
裝至射策聚長安昔日青青髮今歛白成團相逢還相
愕把酒一再歎願言束圖史援琴試一官一官向何許
武城僅彈丸決湍注溟渤奮翮翔雲端左掖黃金闕西
臺白玉欄循良 明聖眷努力願加餐

吳伯宗詩

伯宗山西絳州稷山縣民初伯宗兩弟俱幼被
略賣莫知所往伯宗歷年月閱間關踪跡數萬
里卒還兩弟今相國澤州陳公安溪李公暨閣
學宜興潘公皆著詩文傳其事 鍾我展讀之餘

輒復有感用成俚句

中陵常棣華韡韡覆其根允矣庭幃內所重在弟昆既
俱儻邁豆餘樂匪思存嗟惟我同氣緩急共朝昏闔墻
猶禦侮良朋難俱論稷山吳伯宗早歲背椿萱兩弟頗
冲稚友于性素敦被星耕綠野荷月出柴門供他梨與
栗吹此箎與塤何知人無良略季潛飛奔歸來摧五內
哽咽幾傷魂販負倘可為徙業辭家園祇驚節序改徒
見日車翻天空海復濶惆悵難攀援季去仲旋失輾轉
氣煩寃生離在骨肉此恨塞乾坤揮手別妻孥逝若鳥
孤鶩去去越都邑絲絲歷寒暄便須窮地角何論探河
原皇皇京邑中貴族多華軒季也隸為奴為言受主恩

厚恩良不沒高義人咸尊期爾仲氏來偕季返南轅仲
氏在何許迤北薄崑崙遙遙寧古塔重裘尚匪溫冰天
雲色慘雪窖路無痕邊關嚴出入匝地有艱屯卓哉此
義士制行實瓊璠隻身度沙漠易若踰籬樊冒死白將
軍立談昭覆盆栗烈無靴痕羶酪飽風殮還聚蓬華下
灑淚各潺湲別來艱萬狀會晤竟何言天性豈云薄苦
節實難捫猗歟

對酒

聖化溥六合慶調元至令畊鑿侶敦倫立其跟是宜燕
許貴折簡來源源高文輝綺繡妙句燦瑤琨芳名榮已
極那羨北門鯤陟崗念予季揮涕自云云

將進酒心傍徨年華脫兔去茫茫君不見賈生二十八
咸陽伏闕獻策驚君王又不見馬卿四壁無一物盡賣
車騎辭故鄉自來奇士無貧阮會與風雲終翱翔我
總角時志欲捫穹蒼駸駸三十年捉襟露肘無完裳百
歲如駒隙徒生真可傷嗚呼噫嘻君莫樂樂極生悲興
蕭索我聞男兒生不封侯目不瞑行年八十欲從軍古
人意氣何峻嶒

伏枕和家兄行路難呈屈仙才先生

先子借宿
東隣為隣

所侮仙才命
家兄作詩

龍山龍從一萬里揚鬣鼓鬣形蜿蜒石鷹怒擊勢西下
崩崖接以散花巔每逢隆冬天欲雪狂風叫號聲喧闐

其或烈日當長夏揮汗疾走無甘泉旁則風埡與虎穴
氣象凶怪復萬千遊子初來聞其名鮮不股栗而心懸
豈無居人廬其側戶扃不許人息肩有時蹲踞但假寐
有時排闥無炊烟有時刺刺語不休麾之弗去招弗前
伊余冲雪叩其門授以片蓆分一椽陰房地濕寒氣深
發我痼疾腰中酸出門還為鄉黨笑謂予行李真飄零
往時邑中諸先達僕馬冠蓋來翩翩夾道供給曾不瞬
黠者幸得為執鞭物理盛衰何乃爾謝以不敏惟迍邐
俗論卑污未足理獨恠長者亦云然物惟適用為世珍
而我于世奚裨焉古云知足則不辱况今此輩方持權
嗟乎行路難如此乃為灑墨製新篇浩如滔滔萬頃波

瑩如玉碗走珠圓勁如短兵巷接戰爽如俊鷗擊霜天
讀罷霍然病欲已憂患常思聖與賢

丙子仲夏

昨日甬中一升米添水煮粥清可洗今晨甌冷螻蟻行
叩門呼童頻不啟况復連絲雨經旬長夏陰風翻白蘋
我惟攤書忍枵腹幼女長號妻復嗔年年此日曾如是
耳根習慣為常爾偶欲焚筆把犁鋤比見負橐稱貸皆
農子只合閉口莫言飢無事咄咄亦爾為飽看南山北
山色靜坐蒼苔學賦詩

美人讀書圖

渝水風光照眼新丹青奇特妙生春好手偏能寫麗人

蛾眉淡掃細腰身華容窈窕骨肉勻豆綠衫子拴紅巾
素手摻摻秀絕倫珠鞋羅襪不動塵焚香靜坐遠凝神
細翻細紵古為隣恍如宓妃臨洛津又疑玉女下青旻
一笑傾國傾城真令我心目空紛綸比聞 至尊西幸
秦屏絕殊色廣陶甄懷美人兮渭之濱不妨白屋載朱
輪但求之子侍 紘宸信知美德世所珍何不繪圖揚
聖仁

仁懷道中

夜郎之山險無匹懸崖百仞未云畢百仞百層始見天
攢峯黑箐難窮詰仰看鳥道縈岩巒荔枝樹杪行人出
驚濤恠吼萬壑雷盤盪怒激深成窟豈無飛艇疾于鳥

頃刻乘波衆峯失哀猿此際聞清晝綠樹紅花皆蕭瑟
憶昔東遊秦與魯巖巖泰華真萃律去天咫尺未為多
下有周行可馳駟如何此山半無名峯嶺崎嶇狀非一
安得力士持長鎚掀轉欽岑填水屋普天大地皆坦途
具瞻方岳晞紅日

示姪夏

吾姪夏也負質殊七歲抱書請為徒日記千言未為少
下筆便解調之無曾喜年纔十三四早遊泮水謁師儒
比來長成性反蠢不耽誦讀耽擣菹憶昔先君嘗念汝
珍重真同掌上珠命余善視終如始斯語未敢忘須臾
蒼皇攜爾來遠地古云夜郎非此乎廣文之齋由來冷

我來况味同蓼荼爾能勤學而精進天涯相伴良歡娛
即今吾怒女不樂昔如騏驥今如愚昨夜明明夢爾父
倉皇來視形容癯問女學業近何似我口欲應心躊躇
夏乎夏乎愛女軀吾父爾父情與俱從茲努力為丈夫
保定張光祿歌諱羅彥字仲美
明末闔門殉難
我聞明季坤輿圻千里萬里無安宅直令羣盜滿中原
朝遇東城暮南陌南陌東城鼙鼓悲孤城矢日守者誰
昔時光祿今已矣張公仲美好男兒先世由來居保定
將軍忠勇傳家乘驃騎封銜未云早未殲流寇目不瞑
生子皆貪讀異書文武科第實雲如忠肝義胆渾相似
以身報國不躊躇當時醫國無良者龍為魚兮鹿為馬

賊勢東行如破竹傳檄遞見名城下元美

仲美伯兄名
羅俊明癸未

進士仲美氣如虹手持長劍腰大弓登陴誓眾眾為死擣

虛批抗樹奇功季弟

武進士
名羅輔

挽強年最少貫蝨穿揚更

神妙持刀突入萬人中左擊右刺渾難料可憐夜夜聞
鬼哭佇見忠魂生氣蹙神京已失為誰守况有奸臣毒
似蝮獻城媚賊城乃破狗彘不如人共唾從容就義者
何多二十三忠名問大一門二十三
人同死國難知公節義是傳家
闔門貞烈世爭誇我獨不知當時何以培士氣乃得忠
臣義士貞女節婦相望滿天涯

題寒江垂釣圖

畫出江天濶復昏蘆葦參差洲渚橫雪花散亂大於掌

旋空飛舞蛟龍驚縹緲鐘聲聞遠寺寥寥萬里無人去
問君垂餌向何方五湖七澤非其處只合端坐面中流
天空海濶風颼颼一曲歌闌山水綠芒芒九有如浮漚
天公付與持竿手烟蓑而外更何有浮沉得喪不須論
安用虛名重山斗自喜生平只直鉤穹霄為笠地為舟
但得錦鱗可盈尺竟投林壑吾歸休

近體詩

壬戌暮春偕邵格非沈翎先計公隨家兄鹿嵐

內兄雷念茲登銅山絕頂二首

在南陽
泌陽

銅山稱勝地陟巘洵奇觀磴道依山曲長風透體寒飛
梁留瀑布絕澗長幽蘭竭力登臨處千峯几席看

俯矚層巒際參差翠疊封身隨雲氣迥興雜鳥聲濃絕
頂聞天籟危崖羨古松浮槎原有意何計嗣仙蹤
頂有
仙人
跡

憶母

慈母原多病衰年倍拮据可憐經歲別只喜數行書祿
養何曾得名心不肯除晨昏惟季子為我慰倚閭

夢弟又庾

弟也何時見翕然聚一堂即今初入夢知子永相望月
夜書牕靜霜天客思長行行云歲暮兒女賴扶將

上巳後寄園雅集見杏樹一花獨艷限韻四首

彤雲剛一點低出最深枝不放春光去非關花信遲半

曉輕傅粉新沐澹勻脂性頗耽幽寂遊人總未知
自是仙家植曾于帝苑栽藥仍倚綠放人又踏青來織
質饒詩思微香泛酒盃欲探春信息即此是良媒
映日姿原媚籠烟韻更多可聞花嘆息惟見客經過絳
雪飛清沼紅瓊罩綠羅就中有好鳥睨院亦能歌
候煖紅偏瘦枝肥碧暗添對時情脉脉望處影纖纖
鬱扶花瓣霏微露葉尖高筵逸律手四韻喜同拈

驟雨同家兄鹿嵐弟又庾作八首

懸泉瓦瀉甌暑氣出疎櫺草木霑天澤風雷降嶽靈平
疇瞻更綠遠岫望尤青頓覺煩囂淨倚牕坐亦寧
濃雲注水甌雨脚逼前櫺舒慘知乾道生成感地靈雷

鳴驚電紫霧散愛天青莫是洗兵馬遐方獲永寧
貯米響空甌如珠落淺櫺吾人稱帝德俗子語仙靈
水任魚龍化山隨草木青秋成知大有萬國頌攸寧
乘高孰建甌落落轟房櫺雲雨原無種行施信有靈
如苔面綠山象佛頭青瀟灑且高枕今宵夢始寧
橫流若倒甌怒沫過虛櫺河海方含垢鯨鯢正顯靈
濕增烏背黑浴見鴨頭青酷暑歸何所新涼意頗寧
聲驟落虛甌涼風入空櫺離星詩有識暈日諺常靈
懸瀑岩岩白飛嵐面面青試看時雨化萬象已清寧
高屋水傾甌陰雲暗紙櫺大田雲有滄楚室雨淮靈野
霧穿林白炊烟出戶青星言誰風駕百室定盈寧

淙淙注甃甃細屑復穿櫺湛覃真為瑞嘉祥咸讓靈張說
喜雨賦麟鳳自輕而讓靈漫云頭上黑竚見眼中青澡骨霑神液歡
心慶泰寧

燕山八景

瓊島春雲

瑤璣春光滿晴雲次第飛乘風尤縹緲映日轉霏微製
服天姬羨徵祥 聖主祈六龍時出入觸石即相依

太液晴波

淡泞含天象齋淪浹地維平看春意濶斜驗月痕低遠
渚鷗飛急輕漣風到遲就中魚在藻頰首樂咸宜

玉泉垂虹

素練垂清漢晴霓遶碧虛淵澄終若海汪濊已成渠宛
轉經 天闕彎環遶 帝居流行皆化育靈氣日容與

薊門煙樹

薊北多霜雪蔭成詎十年如雲晴靄靄似霧雨絲絲合
沓中林地撐開四壁天煙雲饒古意收載米家船

居庸積翠

秀色橫天半巋然壯 帝京羣山皆拱伏高岫獨崢嶸
淺黛描朝爽深藍潑晚晴 鑾輿勤省歲端竦欲來迎

西山霽雪

北闕天光淨西山寒氣深平臨皆玉案環列實瓊林潔
可精詩思清堪矢素心未須嫌徹骨松柏喜相尋

金臺夕照

承恩趨玉署休暇憇金臺世杳遺踪在天空夕照來遠
鴻遵渚去殘雨抱村迴俯仰交情重遙憐羊角哀

蘆溝曉月

烟浦鷄聲亂雲衢桂魄東露華浮水白曙影漾波紅澄
澈星河斂晶瑩天地空重輪兮一照今古許相同

壽茶陵彭年伯兼送石源年兄給假迎娶二首

詩酒才原富烟霞嗜獨偏靜惟松作友閑有鶴為緣岳
近青臨牖湖平綠溢田蓬瀛何異此築室即名僊
况有金閨彥神臯給假回身方辭帝闕路早入天台
六禮今初諧三多昔共推咸云公輔望車騎幾時來

送人令梓潼代

西入巴山路長天一線青飛猿出樹見歌鳥隔林聽芬
郁羅花譜嶙峋列畫屏公餘無別事洗硯熟蘭亭

題許時菴大宗伯讀書秋樹根圖

危坐俯清湍秋濤入耳寒高踪疑鳳翥靜息象龍蟠泉
石幽情適詩書素性安功名青史載刪述自盤桓

送龍雨蒼還蜀步韻

八年京洛別花月半生愁勞我心千里逢君序九秋來
踪青靄合歸興白雲浮以需次稍遲暫歸省早晚黃牛峽彈冠賦

壯遊

懷家兄鹿嵐時客都門

淡黃梅子落庭堦兀坐頻驚淑景移一自消餘山後雪
便宜寄有雁來詩獻書知不同蘇軾賣賦何能重左思
未是無成羞故里思君勞我作然疑
傳聞夏口有烽煙音信何妨寄錦官莫似終軍棄襦去
須當交甫弄珠還占時細檢京房易望遠高吟蜀道難
思君令人顏色老夢回中夜起長嘆

涇陽旅邸次辟間韻

豪氣橫空孰與京茶杯詩卷日相迎少堪與語書千遍
到不能平缺一鳴大有年華隨水去都無華髮帶愁生
翺遊何日方停轡直上扶搖幾萬程

詠雪步家兄鹿嵐韻並呈陳御簡中翰

時館于宋谷懷

座師家

翩翩素質來何暮如絮如鹽總未真也作花開非有艷
縱教風舞亦無塵祇因潔白難宜俗纔露光芒便射人
偏得好山名玉壘年年收拾不嫌頻
冷况原于眼界親牕明瓦白景彌新程門雪積那知久
袁戶歌聞不似貧題詠自須尋雅士戲按端的讓時人
只思攜手同歸好策馬中原倍爽神

奉懷陳御簡中翰

步前贈行韻

同甫由來屬盛名幸叨年譜實吾兄字如東晉稱龍躍
詩若中唐只雁行丹禁絲綸權出納青藜編簡久研
精何時風雨挑燈坐頻扣重聆大小鳴

再至蓉城留別劉遜庸二首

十年前此對琴書，驟背重來向草廬。別塢尚然花滿徑，
秋田仍復水盈渠。開心玩物今渾淡，壯志凌雲總未除。
風物不殊情頓別，人生會合那堪踈。

憶同聽雨論文夜，如在同堂請業時。

遜庸受業于先君

白髮父

交那復見青緇稚子亦能為。

遜庸時已

有四男慣交湖海煙霞

侶倦詠風花雪月詩，他日視今今視昔。定誰強健作然疑。

酬羅西溪先生韻二首

遍經甜澁與悲歡，老臥煙霞一枕安。白氎中應違繡柱，
烏皮几不羨雕鞍。世情諳練渾宜懶，詩律精嚴未許寬。

意到筆隨何所似，言泉風思為飛翰。

經年書卷自成歡，限韻題詩下字安。共羨有名推玉海，
奚慚無物買銀鞍。偏于舊好情懷重，終是高人禮數寬。
自此與公頻對面，金沙箋細寫華翰。

除日過鄴城

四野時聞爆竹聲，村村誼擠似團營。尚餘此夕年非舊，
倘憶明朝路盡生。京輦遙看紅日近，家園背指白雲橫。
鄴城却是春來早，柳弄輕黃已待鶯。

遊峩眉山

突起三峰罩佛曇，朝來面面潑深藍。昇仙羊去餘丹竈，
解法龍飛剩碧潭。星斗平臨渾可摘，煙霞環列未遑探。

無邊風月誰為主整理青鞋試竹擔

葛守戎招飲春郊

早春晴日午風柔招飲山頭樂事幽
匝地尋芳學鬪艸
分曹賭勝試藏鈎已忘引滿過三爵
頻訝援弓樹四鏃
只待東郊人影亂歸鴻聲裡聽鳴騶

疊韻

輕裘叔子自溫柔綠野揚兵事更幽
儘有殊能稱沒羽
豈無絕力解舒鈎裁詩縱筆渾成律
醺酒留賓始挾鏃
堪笑冷齋人一派也乘羸馬傍行騶

送向修野田仲昭胡章錫還蜀

從來懶散輕離別今日臨岐覺黯然
騾背好吟雲出岫

船頭靜驗水磨天高詞原不輸黃絹
廣屋行須坐細旃
君若倦遊耽綠野相期洛浦佩珠還

送岳少伯任荔波

詞賦凌雲舊有名新攜墨綬粵西行
袍浸柳汁迎眸綠
縣是花封入眼青駐馬雲山添好句
隨車甘雨播休聲
柏臺端的需君久早辦垂紳翊 聖明

壽閩中黃敦復先生九十

山斗鴻名宇內驚林泉幽况日相迎
半枰勝負旁觀熟
幾變桑田過眼成真見池邊棲鷺鷥
何知海外有蓬瀛
傳來添線逢皇覽萬石同趨為執觥

送潘特書年兄歸養

君今將母返江潭泉石風華應獨諳出入自當緣竹徑
往來大抵近山嵐鴻名久羨人宗北絕學會聞吾道南
非是冥鴻歸羽翰轉令分袂意難堪

壽潘年伯母

申國儀型昔所欽和熊待讀望原深金芝匝地能三秀
玉樹參天可萬尋仙訣不須王母授繡幃真見壽星臨
堂前初試斑衣舞發輒鴻名振藝林

上巳前答王雪菴

踏青人每悵春遲應待風和日麗時翠帶千條拖柳線
紅雲萬朶上花枝鋪排樂事宜攜酒摒擋閑情好賦詩
我獨鄉思豪興減勝遊難與素心期

送春坊王拙菴先生校士全川

詞賦聲華徹帝京西風街命擁紅旌馬尋綠水青
山去人趁霜天曉月行世掌絲綸依鳳闕時栽莢李
向蓉城明珠白鵠差堪擬應有新篇次第成

壽黃母

黃簡齋總戎元配原鎮江西子復尹于是

徽音聞海屬華簪懿胄啣鱸著藝林昔見將軍能運甓
今看令子善鳴琴營留細柳規模壯花發河陽雨露新
想見豫章歌壽母登堂稱兕盃盡傾心

送陳霞軒任黔中

松青雪白歲寒時忽賦驪歌欲遠離剛道夜郎縈客緒
却云日域繫人思浪聞蘭署慙爰處信有花封喜載馳

况復元龍聲價重西垣虛左早相期

壽河間馬年伯雙壽

白眉丰度遠風塵
衛水躬耕學子真
柳徑自堪題晉士
桃源不必羨秦人
靜張琴瑟歌偕老
穩臥煙霞不計春
最愛胡麻當雞黍
清風明月不知頻

寄寶雞馬孟伯

於今屈指十年餘
尚記連鑣渡洛敷
絳帳風流知己別
白眉事業竟何如
人云蘭署初鳴珮
君道花封久曳裾
春雁北飛春再北
等閑可見雁成書

壽閩中陳琢成

金鰲峯影插雲孤
春到螺江勝畫圖
但羨幽情傳水石

却令遊子憶尊鱸
從戎妙策傳人未
振鐸行踪入夢無
筵設介眉占聚德
纔知至樂屬吾徒

和吟香樓韻三首

丰裁久已重南州
疊韻成詩解寫憂
幾片閑雲不在眼
一輪皎日恰當頭
清辭秋水瑩無滓
麗句春山翠欲流
聞道東來占紫氣
叩關何日駕青牛

日暮遠山煙靄生
幽情未許俗塵侵
作如是想難投足
只恁麼休即養心
此外風雲皆妄念
當前花月且閑吟
伊誰聽角聞笳後
暝色生愁自不禁

四十餘年俱是客
五千里外却為家
人情半若波心月
宦味全如鏡裡花
郭外不營千本橘
門前那種幾般瓜

由來抱甕迂成癖閉戶高吟不怨嗟

早朝

鐘漏沉遲曙景開鬱葱瑞色靄蓬萊玉鈞霜月橫清漢
銀礫踈星列上台 丹禁高聞仙樂導 紫宮遙覲
聖皇來鵷班拜舞歸青瑣香惹爐煙滿袖廻

送齊河王靜菴文宗

烏衣世澤衍三齊銜 詔衡文向蜀西高燭焜煌騰火
井長蚪天矯躍靈溪清撿錦水澄華月雅望巴山曳綵
霓登眺詩成渾得意綠波青嶂聽黃鸝

寄南江岳玉千任懷集

憑高縱目幾千里兀坐懷人十二時洲道繫龍形委宛

山云齊嶽景迷離垂簾調鶴聞清響面水援琴寄遠思
勾漏丹砂熟已久華巔日望白雲陔

寄潯州太守毛晉偕

東川久已奉神明又綰銀章西粵行聽去賢聲傳 紫
極沛來浩澤瀉滄瀛珠還合浦名同潔虎渡弘農政比
清到處青山環綠水輸君琴鶴足怡情

送人作解州牧

代

西行步步遠紅塵夢與青山作比隣高嶽眼前秋倚玉
長河頭上曉橫銀雙旌搖曳登臨迥五馬傳呼出入頻
此去輕車仍就熟朝朝露冕看遊人

輓王貞靖先生

逸致高辭松壑風修文一去絳帷空
牕前蓮浦秋還綠檻外桃林春自紅
幾處桐花疑吐鳳萬竿竹影似蟠龍
哲孫聲價齊揚馬振起鴻名未有窮

送周儀園年兄給假回潮陽

飛塵陣陣落桑乾白草寒山雪影攢
迴望晴雲凝紫極平看野鶴入青巒
風霜作客詩應少水石為儔禮自寬
衣錦故鄉誰不指九經庫上老登壇

對雪限韻

粘草逢枝盡作花平封林麓急棲鴉
月如皓質渾無色梅似清光未有瑕
高羨松英藏玉屑遠餘鴻影落銀沙
座中嘉客時來往滌器頻煎雪水茶

步胡章錫韻

敗鱗殘甲舞風狂粉飾從前烟柳塘
映入縹緗寒閃爍歌成金石韻琳琅
千村皎潔清塵盞半榻虛明起夜光
玉蘂瓊花爭羨此拈來到鼻却無香

步施博公韻

曾聞盈尺表豐年酷似風毛縱獵天
漫道履霜成大智敢云嚼雪即神仙
銀鋪原隰溝塍合玉起樓臺觀闕連
羔袖往來閒指點雲霄鶴羽許同妍

再用前韻

即今樹樹放瓊花黑子星星遶暮鴉
世界為銀休覓冶乾坤是玉莫求瑕
飄飄到處輕如絮旋舞遙空散似沙

未信黨家真恁俗羊羔酒罷不須茶

和寧波表時謙孝廉詠雪韻

能將白雪賦新詩畫出同雲罨四垂玉屑但教飛彩翰
明珠早已綴青髭水懷遠浦藏冰鑑柳望長堤想素絲
吟詠佳篇忘坐久辟寒那復覓金卮

送醫其祥二首

聞君仙術授長桑湖海烟霞任徜徉刮目正須療肉眼
換心端許索奸腸久疑鶴在蓬瀛島共道春生游俠場
五藥三芝知富有更求醫俗立神方

年來寒却雞壇盟乘馬乘車各縱橫萬疊峯巒爭隱伏
一春花柳自鮮明誰攻媮理炎涼態難覓膏肓冷煖情

我但苦貧無別樣可留妙劑使人驚

步鄒念尊送春韻

暮雨輕虹遠渚收青郊春色倩誰留也知不到經年別
無奈能生頃刻愁幾點殘紅飄野墅許多深綠漾溪流
舉盃獨酌還相憶何日真同汗漫遊

步鄒念尊上巳同人雅集韻

迴文

香風遠送綠垂條嘒鳥聞時馬度橋張樂妙音諧雅調
集朋高會趁晴朝陽坡鬪草芳郊遍曲水流觴飛葉飄
光日曉擎雲澹澹塘橫小飲偶同招

寄壽光令白乃素

海國無風也自涼高槐深柳蔭琴堂疎簾不掩遠山翠

雲鴻堂詩集卷二
曲逕時聞新雨香幾處書聲清夜月半天鶴唳響幽篁
飄然東帶東遊客來日相望在一方

寄嘉祥令宋王賓

勞君憶我數飛翰每得餘閑便取觀分袂有時猶似近
談心無處始知難焚香坐月琴堂靜攜酒行春花徑寬
爭道澹臺山色古倩誰畫寄一圖看

上山左侯任菴藩臺

海國屏藩倚世臣雙旌旖旎擁朱輪庭前加禮三千客
門下聞詩七十人舊德西川思撫育新猷東魯化陶甄
清時節鉞需夔契另有 龍章賁紫宸

送仙菴宗兄還里和元韻

當時荷葉小於錢宮外垂楊翠似烟初睹清班皆玉笋
早知道骨屬青蓮唱酬頻有高人集來往都無俗事牽
忽理斑衣榮畫錦冥鴻先我整歸鞭
六年委珮駐皇都朝帽依然是素儒書癖每從閑署得
俸錢盡向酒家沽多君由此翔而集笑我于今步亦趨
直喜溪山今有主登臨處處鳥相呼

送掌院陳乾齋先生撫西粵二首

碩德鴻才振玉京暫持節鉞事南征群峯雪逕松千尺
野水雲汀鶴一聲薇省絲綸留著作槐庭棟宇費經營
人云瀛島皆仙侶纔唱驪歌總動情

錢塘詩史粵西行富有經綸不自矜高爽曉升青岫日

晶瑩寒澈玉壺冰
名山好句題棠閣
才子多情訪漢城
南服不須勞
聖慮千江無浪碧
澄澄

壽安溪李厚菴閣師代

間氣靈鍾降嶽神
由來世德重龍津
文章聲價齊楊馬
理學淵源繼洛閩
筆挾琳琅鏗古韻
氣同星日照高旻
等閑整頓乾坤了
綠水青山處處春

菊桂含花老更香
雁來三五各成行
蓬瀛水遠神仙迥
河漢秋深新月涼
調燮多年勞稷契
平章今日並虞唐
覽揆六合欣稱兕
願比岡陵翊聖皇

壽韓母

爽氣橫空湧碧波
畫堂瑞靄更如何
青山幾疊雲當戶

黃葉半林月渡河
園竹亭亭霜色古
澗松叟叟雪痕多
就中仙藥聞王母
青鳥啣書下薜蘿

和彭石洲儂居韻

慣於閒散處安身
十載羈維入世塵
但訝艮莪無好夢
誰知沅澧有幽人
經年契濶裁書少
盡日吟哦得句頻
讀後渾如對秋月
清光瀟灑足忘貧

容膝纔須屋半間
何論活佛與神仙
宦情高潔恰如鶴
世事推移儘似船
異日聲華誰最好
如今著作已爭傳
安排手筆齊燕許
待掌絲綸日月邊

癸巳仲夏初旬
冒雨赴朝因近賤
辰遂留宿內城
閱日經堆雲積翠
橋回寓

淡旬酷暑真難耐半夜傾盆澍雨來略似啣枚趨萬騎
多應翻雪捲千堆纔知筦簟涼堪寢未有蚊虻曉便催
夢覺黎明房闥靜奚童鼻息正如雷

凌晨匆遽捉朝衣赴闕肩輿去若飛入眼九達流活
活穿簾四面雨霏霏胥徒寂靜依簷宇冠冕參差出瑣
闥最愛御街平似砥但防蹉跌踏泥歸

生來貧不要人知藜藿聊充恥道饑馬齒縱增新歲月
虎頭猶是舊鬚眉怕當軒冕臨門日恰際風雷駭目時
自笑竟成牛馬走雨中京洛望迷離

衣裳盡濕慵更換斗室容身可暫居靉靄烟雲催暮色
深沉鐘漏落前除擁衾臥雨思陳迹閉目排愁背舊書

忽憶山農當此日平明紉笠荷犁鋤

十年宦跡若萍流肘後金章未可求勢想朱輪餘馬鬣
名鈔青史只蠅頭遠山朝爽青于玉湖水晴光碧似秋
路遶蓬瀛閑卓馬鬱葱佳氣帝王洲

賦得宜春花滿不飛香同魚門用晦作

凌晨素蘂舞金鑾飛過爐煙落片乾望去鮮妍同繪繡
嗅來清冷異芝蘭花逢瑤圃尋還易香問瓊枝覓便難
帝闕定應天女散仙芳安得俗人攤

繞闕瓊花向曉拋整斜飛灑下雲梢飄飄臺榭神相肖
焚蕪沉檀氣不交皎潔但隨綠陛楯芬芳未許襲衡茅
上林春色人間早珍秘天香被雪教

言懷

每覺臨冬夜漏長起燒銀燭待晨光繞經眼處書須讀
將到身邊事再商安穩似從閑裏得酸甜已向靜中嘗
盈虛消長誰先覺順理平情是妙方

漫把西江一口吞還須逐次覓真源閑隨湖海雲為侶
靜愛山林石有根鏡裏樓臺難作準夢中花月總無痕
於今要識養生主黑白雌雄未敢論

壽太倉相公

平江世德重庭槐人日欣逢壽域開濟物恩膏深雨露
經邦事業捷風雷九苞威鳳天邊現三秀靈芝海上來
山阜盡呈新氣象公卿爭奉紫霞杯

聖朝燮理本難名稷契鴻猷次第成甄拔驪黃閑有驥
澄清邊徼海無鯨八垠喜覩祥雲爛六合同依瑞日明
壽世經綸羣仰止千春長慶泰階平

賦得細草偏承迴輦處

玉輦閑從綺陌過春風早已到寒莎初迎黃幄青猶
少剛轉丹輪綵更多生意芊絲連紫塞柔姿葱蒨弄
晴波都緣帝澤洪無外花盡芬芳鳥亦歌

賦得風迴巖岫雨中移

下下高高翠作堆春遊髣髴入蓬萊參差洞壑隨雲見
迤邐峰巒赴輦來風遶旌旗千騎出雨催花木四圍開
山靈有意邀宸翰變幻烟嵐俟睿裁

禱雨

萬方常是樂豐年春杪神臯澤偶愆秧出水田青隱見
麥鋪隴畝綠芊綿晴鳩絮語臨村急野鶴長鳴向埵偏
此日鑿輿勤省歲安排夙駕視桑田

宸衷日夜待為霖特沛丹綸百職欽冉冉海雲飛玉
葉祁祁甘雨沛桑林芳郊野色凌晨綠遠岫嵐光向夕
深或恐遠方猶未溼務求霑足軫皇心

節逢萬壽正春明頌禱同殷海嶽情第令三農安作
息便諧九域奏昇平繁釐早並岡陵積浩澤終隨雷雨
盈自是皇猷規久遠八垠時若共澄清

紫陌紅橋春正長半空霖雨沛天閭風牽湖荇迎眸綠

水映宮牆倒影黃太液魚龍潛變化上林花草益清香
要知靈不殊麟鳳保定無疆樂聖皇

送陳昭遠任建平步原韻

公餘日日坐迴碕書卷茶杯到處宜官舍熟梅黃歷落
郵亭過雨綠參差家聲昔著荀為友宦蹟今從范作師

文正昔為廣德司李

江上清風山畔月與君琴鶴靜相隨

詩名想已藉江東茂宰襟懷迥莫同望若雲騰行作雨
化符草偃德為風驚人彩筆知無敵濟世鴻才定不窮
剛道是仙渾未覺朝朝鳧影訝王公

賦得午枕微風送鳥聲

客舍閑愁詩興減午窓靜坐睡魔多剛驚殘夢飛蝴蝶

驀見微風裊薜蘿宛轉正從林外聽清和恰在耳邊歌
可因出谷殷求友喚起離情奈爾何

春日漫興

春光曾否遍園亭興淺何嘗目一經雲滿巖巒看盡白
鳥歸林麓望徒青留名可異倉中米託跡何妨水上萍
聞道生稊渾未信懶尋枯樹逐郊疇

賦得江城五月落梅花

笛聲高徹翠雲頭五月寒生江上樓韻冷乍臨深澗雪
音清偏引異鄉愁欲穿霄漢翔仙鶴幾作波濤起素蚪
解慍薰風渾帝德落梅誰信滿南州

擬賦人喜菊花香應制

深秋黃菊綻籬東澹蘂清香迴不同一兩朶皆邀帝
眷百千叢並拱宸楓恰當雁去隨時令每候霜來報
歲功須識聖明無隱逸幽芳解化萬年紅
步龍雨蒼韻賦得柳色微茫遠岸村
遙見輕鷗三兩點細看深柳幾多叢晴光淡蕩青帘外
秀色飄飄碧浪中山碓自春田上屋水禽羣磨岸頭風
此間端有幽人住靖節墻邊徑已通

甘忠果公祠

巍巍廟貌峙滇城曾是當年竹馬迎惠澤正同洱水濶
高標直並點蒼清忠魂那許留余闕傲骨誰能識彌衡
熱血一腔千古恨夜深悲煞鸛鷺聲

五色褒綸下絳霄昆明猶近 聖恩遙春秋鼓送青山
雨伏臘幢搖碧海潮大節千年垂竹帛殊榮奕世席金
貂執膳重有韋臯在六詔卿雲蔭符橋

欽賜周易折中恭紀

陰陽倚伏羲難明四聖經綸易始成象數通傳更漢魏
津梁獨得自朱程六爻深探天人秘十翼冥搜今古情
直向名山畱盛業另排笙管奏韶龔

重道崇儒待 聖朝折中垂教被 恩遙民財已阜風
同舜帝力偕忘治比堯絕學千秋金作鑑微言萬古日
為昭小臣未悉韋編秘錦軸牙籤許共徵

仲春陪高章之王疇五鄭魚門侍直 暢春園

賦七長句

風輕雲過影徐徐兀坐垂簾讀易書剝啄乍聞傳片子
郎當還命覓柴車敝裘適體塵沙慣倦客逢人禮節疎
剛得數椽同托足儒生酸味未全除

與王鄭
同寓

神京景物異尋常二月郊行花正芳金勒影遲泥尚滑
朱輪聲遠麝猶香草抽嫩葉茸茸碧柳綻新條淺淺黃
燕子未知春已半舊巢冷落背斜陽

更衣楚楚雁行新對送門單籍貫真花木參差殊有艷
臺池清雅杳無塵披簾仍奉昇平揖入直初逢錦繡春
暝色欲來人始退羣鴉歸叫暮雲頻

鷄鳴珥筆候晨鐘久立宮門春氣融鸞愛雀翎弓似月

嘶懷豹尾馬猶龍
青衣暗漬花梢露
翠幃輕搖柳下風
只俟內廷先輩至
摳衣趨赴御池東
名株處處覆新莎
淺綠深紅夾御河
雲氣氤氳閭闔近
香風清冷蕙蘭多
頻年飽飫天厨味
極力難裁 聖德
歌隣有書倉儲往
跡清談萬象總包羅
乍到中宵被覺單
曉來泥濕露霏霏
及時霖霖能成潤
匝地霑濡未信難
草木縱然忘帝力
新畬早已戒農官
遙思紫陌紅橋外
烟浦漁簑不道寒
塗鴉強效愧潛生
覆載包含仰 聖明
鄉夢勞人歸不
得詩情惱我詠難
平並無事業涔同涸
那許名聞玉比
清歸路曉烟浮
綠野村村紅雨待
春耕

桂

菊老蓮稀玉露秋
香飄金粟出層樓
堪為窈窕仙人室
可和芳鮮帝子羞
枝折月宮非素客
詩吟天竺是名流
休言結實真難得
拋讓吳剛拾未休

桂花

黃如新粟潤如珠
翠葉森森韻致殊
折便離塵仙府有
開常依月世間無
孔鸞棲過枝恒淨
蘭麝朋來氣更腴
聞到秋深能結子
殷勤收拾囑吾徒

細雨

秋色盈江滸雲痕
掛野籬乍聞風淅
歷便見雨離迷漬
瓦光嫌淡穿簷響
覺遲入池渾不覺
到竹未全知頻落

難成水層陰易作泥最能牽客緒偏解惱幽棲誰度淋
鈴曲我吟濡軌詩鳥鳴形愈惡蝨躍景尤悲處處妨遊
屐年年老鬢絲短篇情不極兀坐竟何爲

喜雨

朱明應節序碧落煥雲霞秀麥含新穎嘉禾茁淺芽薰
風纔扇物澍雨即隨車自是天心順還因帝德遐雷
聲殷巨礮電影掣長蛇瓊液霑新籜珠泉散晚花經塗
行潦滿赴壑亂流斜河渚揉灘樹汀洲刷岸沙神畿添
嫩綠上苑發奇葩一任魚龍化終令黍稷華三農謀餉
饁萬井樂桑麻天澤真無外參贊屬皇家

送趙子烈年兄還里

綠柳長隄密晴霞天半賒神臯初縹馬天漢早逢槎妙
質雲中鶴新裁錦上花搏風飛羽翰映日幻龍蛇香折
月宮桂光今日域華文章今報國孝友早傳家烏帽從
人羨斑衣祗自拏促裝歸故里分袂自天涯灑灑灘聲
靜峩眉翠影遐談心時契濶會面日遙奢去路烟嵐護
歸踪雲水遮不堪分袂後兀坐聽鳴笳

送陶善長年兄還里

燕山來委宛蜀道去微茫遠岫煙嵐重長途花草香東
裝隨馬首伏劔渡羊腸去去依田舍行行出帝鄉宵
明螢火細晚濕嶺雲長村酒頻湏把孤檠莫漫傷窮通
雖有數得失亦何常已漾宮袍綠曾簪桂藥黃生徒猶

整肅臯比任荒涼附驥今云忝登龍昔已嘗錦城聯几
席渝水共舟航豪爽真能擅窮愁實共當君來無僕馬
我出缺餽糧方擬形隨影何期參離商經書真事業湖
海大文章亭榭恣遊眺山川任倘佯染毫攤古帖選句
納奚囊偉抱終難測鴻名豈易量林泉雖自適簪紱肯
相忘 聖世無遺佚徵書出上方

送總憲吳容大年伯予告

玉署名原重烏臺望夙崇西園推大匠南國仰宗工染
翰雲烟似吐詞珠玉同端方齊杜密博雅類揚雄袍色
渾紆綠花光高級紅絲綸頻視草簪紱盡趨風偉業
天家重鴻儒 帝眷隆垂紳朝北闕晉笏赴 東宮玉

署詩文富霜臺奏對宏精勤昭 睿鑒仁孝 錫榮封
桃李蔭成列芝蘭香滿叢撫謙能受益敦良善居功廿
載聲聞盛千秋事業豐人爭宗閩洛 帝實倚夔龍請
假東山去乘傳南國中金貂誠顯灼玉筍復玲瓏繼武
仙班重紹衣鷺序榮昔時青玉案他日黑頭公景福知
無極鴻庥永不窮僉云勲績著未許臥江東

送潘特書歸養

秋色金臺早韶華玉署遲庭槐黃滿院幽菊紫盈籬雲
路鴻歸日天涯鳥倦時致 君學本裕將母思常危華
服從人羨斑衣祇自宜顯揚寧易測光裕已無涯泛舸
迴螢渚揚旌渡澧湄 國書閑領略家法早修齊閩洛

源堪溯臯夔業可師他年知利見此日悵臨岐情薦心
千里沾難酒一卮麓門如眺望可有寄來詩

奉題少宗伯王瑁湖夫子御賜雉魚圖

神京迤北去巉削挿芙蓉路出千峯豁川臨百谷衝飛
鳴摩健翼游泳有潛踪翠輦祥烟合華舟瑞靄封
鳴鑾趨六駮縱權設鴻置素鬣浮江獲原禽觸矢逢人
爭方漆沮帝雅念夔龍御膳頻宣惠天厨疊授
饗錦衣文爛爍玉膾味鮮醲寵眷喧都邑光榮逮祖
宗詠歌昭聖澤圖畫著臣恭物象傳名繪元音振大
鏞翔空凝泄泄喋水欲喁喁錦臆生機萃銀鱗樂趣重
揚鬢幾縱壑奮翻可當鋒獨待調羹手皇恩湛露濃

奉寄家兄鹿嵐時令平南

七年渾濶別萬里少音書地是炎蒸處人仍草昧初崱
山高入畫紫水豁成渠庭靜希聞柝江清不羨魚綠蘿
行拂蓋青草坐侵裾植柏當迎牖栽花自遶廬舊聞猶
整理新作更贏餘令問推遺愛嘉猷更樹譽芝蘭森幾
許桃李竟何如俗見原無據人言信有諸倦遊情冷落
抱恙意躊躇勞我憂徒結知君意自舒西臺期引珮
北闕待鳴珺蘊負差能展經綸庶不虛他鄉雖樂土故
國實靈墟何日來京輦同時向里閭

奉送海鹽大宗伯許時菴太夫子予告旋里

盛世倚元良鴻名播八荒溯源過月旦問族是高陽宅

近橫山右居隣澈浦旁鳳麟占氣象海嶽煥文章廉介
擬公範溫恭比季長懸輝畱倒景奮足躡奔洋腹笥真
能爾心齋實已嘗學惟宗閩洛才却邁王楊柳汁依依
綠宮花卉冉黃尊嚴瞻袞冕整肅見冠裳寢食圖書府
翺遊翰墨場制麻含雨露史筆挾風霜秋水澄無滓晨
星照有芒放辭霞爛熳琢句玉丁璫寶軸頒宸藻金
罍挹桂漿紫宮頻伏謁丹禁屢趨蹌飭已恒謙抑
持躬祇直剛羣皆推茂振帝獨識君房西蜀纔旋旆
東吳早促裝艮峩緣鳥道淮泗引牙檣簫鼓喧臨渚旌
旗靜陟岡前麾迎祭戟後隊接舳艫草木恣吟咏山川
任徜徉搜羅窮藪澤培植遍膠庠朗鑒誠超俗清操果

異常盡人懷杖杜到處想甘棠桃李舒嘉蔭珠璣漾素
光令猷彰黼座偉望重巖廊遲日雲方曙隆冬夜未央
鳴珂經瑣闕曳珮入鴈行啟沃資明主賡歌翊聖
皇典墳由校閱財賦賴勛帑藏還充裕閭閻俾樂康
邊城輸駱馬下國萃琳琅九府流刀布千箱貯稻梁版
曹輕稅歛民計富蚕桑利器宜蟠錯諸艱藉棟梁深泉
探地喙巨浸指天吭鹽鉄何須論河渠更可商霑濡滋
畝澮蓄洩繫堤防灌溉京畿內滌涸日域傍幾年勞瘁
塞萬姓慶豐穰雨笠耕泥淖烟蓑棹渺茫再煩釐歲計
仍命理神倉籌畫調盈縮張弛握紀綱晉階升畫省
養望躋雕堂北闕傳開晏南郊趣奉璋委蛇陳幣帛蠲

潔薦鯨鱉揖讓覘邦化中和卜運昌
羶裘虔執賚丹服
凜來王忠信孚遐邇聲靈布氏羗
君威原赫赫臣節
聿煌煌鍾鼎功初就尊鱸思不忘
聖賢明出處豪傑慎
行藏芳躅稱都邑逸情適故鄉
門墻森檜栢後嗣起鸞
凰野艇浮于漢遙峰劃彼蒼
四圍訶好鳥三逕響幽篁
杖策尋松菊扶筇閱井疆
香山應似此第祿永難量

新秋步同年鄭魚門韻

霖雨驅炎暑涼颼起帝臺跨空虹
赭赭射壁日皚皚
黜遙飛電駟輪遠聽雷往來分四序
倚伏悟三才行引
縹緗帶荷翻錦繡堆吟蟬何處樹
醉柳舊時盃腐草螢
為母繁霜露已胎未知天氣肅
稍驗歲華催翥鶴晴嵐

合浮萍翠鬣開鷹看冲漢去雁想逐蘆來
松菊思千疊
尊鱸夢幾回清暉都在目無復翳纖埃

冬至

乾象南行日招搖北近時權輿生有兆
橐籥化無私朔
會臨星紀曦輪駐巽維黃鐘吹似鳳
蒼壁薦如規表驗
年常稔衡懸炭暗移踐長思獻履賀節欲
裁詩添線欣
來復書雲識罄宜陳根含甲細晴旭布輝
遲雪意連朝
作霜威傍曉知短簷暄共負密室氣潛窺
樂導仙靈護
鞭揚貔虎隨試看迎至返萬瑞已昭垂

露

晨暉初逗景零露正生涼
野草滋彌茂園花浥更香
露

濡蟬腹小嘹唳鶴聲長陰液承高掌
神精萃蜜房垂絲旂歷落綴葉玉
低昂尚武雖殊象求仙實好方
肆筵歌湛湛嘉晏詠滾滾表瑞
昭仁澤徵祥煥寶光幾能盛滿
甕誰解採盈囊天酒從教酌靈
膏一任嘗吉雲非杳邈勒畢詎
荒唐大化當新合呈休待 聖皇

元旦早朝

爆竹聲方密明星影尚繁趨蹌依
玉署冠服侍金門鼉鼓鳴 天
闕鯨鐘接 帝闈出看燎火導
還見羽林翻宮漏移時報晨雞
到處喧 皇仁隆四始玉曆重
三元殘雪瑩仙仗和風悅 至
尊履端瞻曙色復旦上朝暾
表賀山河壯官繁禮樂存右旋
惟拱極東注盡宗源律

轉晴暉嫩春回氣始溫舉頭瞻
衆象佳氣滿乾坤

擬米兒口行圍應制

選徒咨上將差馬彙纖驅雲罕
虹霓護龍旂日月隨蜚廉清道
日滕六灑塵時靜看車徒出遙
聞管籥吹前旌屯絕塞後隊列
通達布網疎何礙從圍樂不支
力能拉虎豹威早懾熊羆俊鷗
凌霄迥蒼鷹掠草低蔽空毛散
亂積野類離奇士卒猶餘勇 天
王動遠思仁將倅覆載道直並
黃義試看 鑿輿入條風起巽
維

新柳

露穉抽碧玉晴縷綻黃金暖日
眠烟浦和風舞水潯織桃紅作
錦映李翠成林入苑春偏早臨
流色始深扶疎

資化雨蔥蒨護幽岑忍向征人折閑於隱士尋長堤絲
壤壤洵巷翠森森蔭好花前看愁堪醉後吟柔情欺嫩
草青意妬遙岑搖曳牽閨思紆迴繫客心惟知生意勃
未覺歲華侵有鳥辭幽谷遷飛自不禁

春燕

秋後何方住社前及早歸撲簾頻盼盼入院便依依影
落雲痕疾聲誼風力微差池看不定下上聽還稀梁幕
嬰塵暗灘泥茁草肥來宜辭紫陌去可到黃扉呼侶今
仍急營居昔莫違幾能翔殿陛多只在郊畿斜翼翻芳
甸輕姿弄曉暉慧心雖解語纖質那知幾葭律移新管
園株長舊圍似憐經歲別低傍主人飛

賦得首夏猶清和

朱明方變律靈雨沃平郊埳靜蟻封穴簷喧燕賀巢月
墻行蜥蜴風網落蠨蛸潦水流三峽奇峰矗二嶠殘花
紅隱葉深柳綠垂梢嫩筱冲霄直新藤抱屋交樹陰圓
似蓋泥色膩如膠早讀書全忘遲歸夢未拋日和翻晉
帖信遠卜羲文座少居人到門惟素友敲吾心愁覆甌
人世笑懸匏不計升沉事無心作解嘲

水仙花

清潔看如水輕盈望似仙迎霜偏耀若對雪更飄然瑤
草幾同秀瓊英許共妍葉分蒼檜色花並古梅鮮默玩
消塵想閑吟謝俗緣銀臺光燦燦金盞韻翩翩映月懷

良友凌波憶昔賢榮纔陳禁苑品早異林泉曾動龍
顏喜兼霑帝澤全名雖遺禹貢地已近堯天海屋怡
神日蓬萊注籍年幽香浮瑣闥盡布歲寒前

梅花

梅本羅浮植移將上苑栽影仍橫水瘦藥愛逗霜開古
樹膠成篆南枝玉作堆遠宜烟靄護晴好澗松陪擬桂
香微暗如蘭氣早催清光渾似月蒼榦半疑苔索笑循
檐可尋芳踏雪該詩傳官閣興賦著廣平才斜整溪全
映參差春漸回遙看驛使去瞥見故人來甘遜羣英後
應為衆卉推調羹期有用帝德久滋培

雪

調元勤聖主寒燠歲咸宜始見同雲布俄看瑞雪隨
瓊華天際落粉翼幻中奇飛灑風毛舞飄飄軟絮披迎
眸空片片撲面靜綏綏蓬島何須覓瀛洲應在茲幽蘭
滋嫩甲秀麥孕新穠盡是澄清意都成豐豫時結為銀
烟爍堆作玉參差試茗烹來可尋梅踏去宜霏霏浮
紫極靄靄燦丹墀盈尺尋常事唐虞不用祁

笛

笛本傳丘仲辭原著馬融龍鬚纔半剪鳳膺却微豐暢
志悲愉共通靈今古同能令魚跳浪會教鶴翔空縹緲
高樓外悠揚老樹中橫吹淒夜月獨奏咽江風裂石奔
清澗穿雲曳彩虹落梅愁嶺北折柳悵城東暮靄聞樵

逕孤燈響釣蓬聲低汀雁黑調起海霞紅喻陟林泉興
桓伊豪俠裘倚牀擬紫玉幽韻自無窮

送閣學彭老師

豫峯青未了淮水碧無涯華國覩龍見經邦矚鳳儀青
箱繇舊德黃絹懋新辭振藻雲霞萃含毫星斗移焜煌
同黼黻古樸等宗彝日域休聲播神州輿論推講筵資
啟沃坊局仰猷為分校遴寒峻持衡拔瑰奇殊才俱入
彀杰士盡蒙知學探千秋秘文傳一世師人爭方旦顛
帝寶倚臯夔忽起東山興歌驪動遠思

壽南樂魏筠圃年伯

繁水先生耽習隱栽槐築屋傍金隄閑雲飛向野籬掛

好鳥來於幽樹啼漫興千言皆渾脫精思萬卷各端倪
夫人氏系郝鍾並令嗣才名庾鮑齊四德宜家溫若玉
一經紹業貴如珪也聞宰相山中住曾好神仙樓上棲
曲沼青蒲藏翡翠芳園紅杏隱黃鸝朱顏早構安期棗
瓊液頻分王母梨介壽祥烟縈錦帳生申瑞氣靄虹霓
百年景福知偕老七袞榮華今共躋花引薰風常馥郁
草凝湛露已迷離三多惟有公能擅佇看 綸封降紫
泥

玉河春柳

融融清滌來銀漢嫋嫋柔條拂禁墻枝盡萬年依曲沼
河迴九折列垂楊凝烟照水添深翠過雨搖風漾淺黃

輕絮遠飛連太液豐林環拱向明光曾聞張緒神堪擬
也讀蒙莊鑑可當晴樹何嘗妨繫舸碧波原不碍流觴
懸知落葉通瓊島試聽鳴鶯達上方白映樓臺增氣象
綠圍宮闕煥文章如絲細線盈堤密似帶春流遶樹長
遠渚依稀聞玉珮高柯彷彿惹爐香逢源挹注懷先正
成蔭滋培自 聖皇霑潤自宜先日域托根早已近朝
陽

梧桐

嘉木孤生自太冥
莪莪百尺始敷榮
多年盤屈雪霜古
頃刻晦冥神鬼驚
密葉垂陰翳綺閣
輕條吐秀出華楹
排雲突兀森天宇
含霧氤氳拱玉京
生傍朝陽春鬱勃

樹于楚室勢崢嶸素琴伐就諧聲靜仁鳥來時振彩宏
鳳羽九苞光奕奕龍吟十弄響琤琤婆娑脩幹真無兩
卓犖孫枝更有名金井匝圍皆爛爍銀床飄拂總晶瑩
凌霄欲作虬螭舞冲漢疑將風雨鳴題詠頗曾勞聖哲
游歌端的見昇平
的的綠野三時覆漠漠青旻一柱擎

恭祝

萬壽詩

并序

臣聞三多之祝願首肇於封人五福之陳疇實
衍於箕子稽長年於帝牒自大電繞樞以來攷
永命於王編暨流星貫昴而後祥凝殿陛鴻庥
慶於無疆瑞靄宮廷純嘏歌夫有秩或德本神

聖明可並於升恒或功則平成能可贊乎化育
或宵旰而熙庶績或儉素而撫皇圖頌以罄宜
則天淵比盛介以眉壽則松柏媿休要惟氣運
值夫昌隆遂第祿徵其悠遠欽惟我

皇上符地以貞合乾之健冲齡登大寶善繼善述續緒
而長發呈祥碩畫靖多方乃武乃文垂統而永
清著績 天戈遙指四海浪靜波恬 玉輦時
巡萬國風清月朗河流永奠隄防無衝決之區
水利肇興墳埴盡膏腴之壤怙父恃母畝畝之
賤咸得親黼座以言情就日瞻雲山林之逸靡
不向康衢而驥首家給人足坻京之積良豐政

簡刑清象魏之文徒設蠲租逾萬萬恩膏洋溢
黃童白叟交欣廣額復頻頻甄別精詳春試秋
闈疊舉而且 典隆闕里大道與河漢同流配
進攷亭正學偕日星並著加以心勤乙夜更博
典墳躬親萬幾兼綜技藝 宸章璀璨鏗鏘聲
若琳琅寶翰聯翩翔舞形如龍鳳大而博學孰
謂成名之無 聖又多能夫何常師之有道全
德備紹虞夏商周而集其成雨順風調萃南北
東西而會於極普天俱登衽席家室和平薄海
同在陶鈞民物安阜惟勲德之並懋宜福祿之
來同迺者序屬三春日過上巳紅霞縹緲香飛

上洞之桃碧浪瀾漫煙靄平疇之麥睇堯衢而
似繡鳥語花香瞻禹甸以如雲風和日麗走金
貂於紫陌寶馬嘶楊度翠幃於虹橋朱輪漾日
頻年豐稔人生沕穆之天匝地殷盈民在熙皞
之世 聖人臨乎九有較昔大衍之用已羨三
籌 君子實惟萬年喜今花甲之週政當六袞
旌旗旖旎虹蜺繞而天宇高車馬縱橫雲錦鋪
而 皇居壯濟濟皆垂紳委珮鷺序趨蹌桓桓
盡韜甲偃戈虎臣稽拜敦詩說禮辟靡之鐘鼓
喤然望杏瞻蒲阡陌之桑麻沃若別有雕題鑿
齒窮髮奇肱習俗各殊胥叩關而輸賁語言重

譯咸向 闕以來王甘屬隣國之附庸竊慕中
華之文教歡聲騰沸恍迴萬疊之潮香篆縹緲
頓靄層霄之霧仰南山之律萃猶莫彷彿其崇隆
指東海之汪洋尚難方其廣遠在 聖皇垂裳
之治謙讓未遑而臣庶稱觥之心歡欣何極貢
葵獻雉方物不限於梯航肆雅歌風頌禱堪勒
於金石有能畢獻子來之願良殷無美不呈媚
茲之情甚篤農工商賈萃域內之珍奇傑侏兜
離貢遠方之音樂九州同豫而奉堯樽六合偕
來而觀韶舞莫丕基於有永曰安曰富曰尊曰
榮景福冠乎古今膺 定命於無窮為位為祿

為名為壽純禧昭於天壤祥呈南極何須方朔
之桃德注東華奚貴安期之棗 一人有慶萬
福攸宜 臣飲河有素擊壤無稱誦習遺經私幸
服官已久景行曩哲深愧知非未能縱稱五而
述三猶掛一而漏萬擬天保之致告但賦罄宜
效楚茨以陳言惟歌攸酢謹拜手稽首而獻詩

曰我

皇至德超隆古福歛箕疇寶祚昌天際結成雲有霽海
心飛上日當陽運惟履泰三辰順世遇恆豐百度彰
丹殿垂裳敷政教碧霄抒藻煥文章四時草木俱呈瑞
八表山河悉効祥郡邑道原均遠邇蠻荒貢弗限梯航

曾聞萸萸開前殿屢產嘉禾報職方下國熙恬忘作息
深宮靜穆肅珩璜閑調玉勒收還縱細按朱絃卸復張
睿算含弘天浩浩 皇仁汪濊露瀼瀼氏羌振古為邊
圉岳牧於今是棟梁籜捲輕飈歸浩渺冰迎朝旭散淋
浪迅雷振後春偏麗澍雨晴餘草倍芳保介第聞修錢
鑄有司真欲措析揚豐功於鑠昭霄漢雅化霑濡暨井
疆崇儉規模侔泰壹還醇風俗等陶唐 東巡闕里觀
車服西閱岐周憶鳳凰往哲盡皆馨俎豆真儒
特詔晉宮墻黃淮底績勞符禹盤劍垂銘敬紹湯銅柱
山川花漠漠玉闕亭障月煌煌閭閻殷阜仁為美壁壘
森巖勇不妨幾向爨餘遴異響早從伏櫪識調良已同

度木施成室尚恐遺珠未入囊那惜位高優廩祿奚論
地迥隔巖廊八垠耆定防尤密六合咸寧慮益詳蠲賑
殊恩浮億萬搜羅曠典邁尋常典墳博洽時探討才藝
多能日就將 御筆揮題皆琬琰 宸章寵錫各琳琅
德容粹美昭金錫政治精詳振紀綱問視寢門情罔極
慇懃棣萼意難量恭逢 六袞千秋節恰值三春百卉
香冉冉桃華紅爛熳灼灼麥浪碧低昂兩班簪紱隨臚
序九域共球列雁行貴若王公虔俯仰遠於象譯恪趨
蹕旌旗飄曳虹霓影車馬駢羅錦繡光野色正濃新雨
綠山容輕染曉煙黃笙簫合沓頻堪聽樓觀參差遠可
望薪樵自然儲棫樸畢羅久矣萃駕鶯胥歌厚載生成

大共慶高明怙冒長衆福罄宜 仁者壽敬陳無逸侑
霞觴

畫馬六絕句

皇人歎玉驄日飽天家粟魚藻詠那居長閑千里足
原自青海來京洛嬰塵土拂拭自今朝龍鱗差可數
並驅涉層瀾纔如履平地默助應有神而我聊遊戲
骨相真神駿桃花耀目明站時常在水踏石恐人驚
每憶龍鱗侶深慚豢養恩低徊思故國翹首望崑崙
曾聞騷裊姿曲折知人意託足向清流引轡今相試

漁

日日垂竿學釣魚淡黃潑刺上雙絲山村有客堪閒話

好繫孤艇覓一卮

黃牛舖遇雪二首

風毛散亂落山深
路跡模糊不可尋
到處玉山堪對面
只疑身已入瓊林

北風淒緊暮寒催
遊子疲驢雪裡來
却憶故園梅信早
此時正傍短簷開

平溪憶亡友向金岑四首

清江宛轉抱山流
夾道依然竹木稠
嘆息向平今已往
迷離煙水起人愁

琴書零亂無人整
三徑荒涼長蒺藜
曾記圍爐當雪夜
分箋追和子瞻詩

鴛央城

在平溪北

上鴛央去憑吊
凄然有所思
空剩一鈎山
上月清光繚繞
不勝悲

憶同策馬去
還來遠近梅花照水開
今折一枝何所寄
暗香曾不到泉臺

阻雨

幽居近只在林間
人阻河干夢屢還
風雨淒然煙霧滿
從今最厭米家山

飛龍圖

健質潛淵已不侔
凌空夭矯孰能儔
攜來靈雨三千尺
灑灑湏臾遍九州

題陳太府騎牛圖

漢書一卷足生涯蒲韞逍遙玩物華遠勝當年江吏部
無芻踏石亦成花
州留岐角若擔矛衛犢曾聞與虎讐鉅鹿清風無所戀
等閑漫認作青牛

和趙子琳柳接桃枝韻二首時趙買妾

露浥烟凝翠色新頓開鮮藥最怡人等閑莫解蕢其實
覓向隋堤別遇春
連理枝成別樣新即今配合自何人朱華翠葉幽時認
可似章臺舊日春

營山王廷颺于聖泉謁選都門先買妾京邸漫

成四絕句

小院吟哦夜讀時幽情繚繞不勝思何時得意春風裡
先買長安花一枝

縞衣祇合老荆釵痴望 皇都信幾回為報為郎還未
得小星昨夜抱衾來

徜徉泉石自今稀民社關心是也非早伴卿卿甘一夢
異時風月任依違

花縣何花不許栽思量護惜費安排誰知錦幄花能語
種自三生石上來

疊前韻送張方曉年兄之進賢

雪意冲寒歲暮時錦衣先動故鄉思向來麤積情誰解
試展瑤箋和竹枝

惜別應為理鳳釵經年可有夢曾回錦江春水平于掌
彩鷁真如天上來
琴堂清肅事應稀招我由房那便非鄭字賈名風未遠
新硯肯與素心違
定知雙拍手能栽 黻座書名取次排但約倦遊歸錦
里草堂懸榻待君來

題王氏柳陰訓子圖

湖山幽處百花香詩卷茶杯清晝長寫罷黃庭何所事
青箱舊業訓諸郎
雙鶯睨睨喚新晴柳色青青花正明試傍仲宣樓下過
好風時送讀書聲

盆梅同疇五和查潤木韻

本是靈山紫葉根移來康瓠老冰魂傳云化杏休輕信
粉蘂瓊枝更絕倫

清香幾朵逗春開冷影蕭疎絕點埃試對冰盆聊索笑
深山風雪故人來

撮土栽來譜雪霜疎疎淡淡蘂成行分明退向羣芳後
開在春前先有香

盡放盆間南北枝暗香繚繞起離思天涯兄弟青山外
茅屋疎籬寄倩誰

何遜當年也二毛每來東閣興偏高三生石上青禽去
月落參橫夢幾遭



